



Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik

Inatsisartunut ilaasortaq Justus Hansen  
Demokraatit

**Angajoqqaanut peruluttunik qitornalinnut tapersiinissaq ikiorsiinissarluk pillugit § 37 naapertorlugu apeqqummut Nr. 2017-280-imut akissut**

11-01-2018  
Suliap nr. 2018 - 362  
Akt. id. 7037943

Asasara Justus Hansen,

Qujanaq apeqquinnut.

Aallaqqaasiutigalugu ilisimatitsissutigissavara Kalaallit Nunaanni najugaqaraanni Kalaallit nunaanni inatsisit atuuttut atuummata, Danmarkimilu najugaqaraanni Danmarkimi inatsit atuuttut atuummata.

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
Mail: iniian@nanoq.gl  
www.naalakkersuisut.gl

Apeqquutigisatit tullinnguuttuni akisissuteqarfigaakka.  
Apeqqummut 3-mut akisssuteqarnermut paasissutissat Peqqissutsimut Naalakkersuisoqarfimmit pissarsiarineqarput.

**1. Ilaqutariit qitornamik perulunnera pissutigalugu katsorsarneqarnerani piffissami sivisuumi Danmarkimiittariaqartartunut pisortat ikiuunnissaminnut sunik periarfissaqarpat??**

Ilaqutariit Danmarkimi najugaqartutut inunnik nalunaarsuisarfimmut nalunaarsorneqarlutik nuussimansut imaluunniit ilaqutariit Kalaallit Nunaanni najugaqartutut nalunaarsorneqarsimanertik attatiinnarlugu meerartik napparsimasoq ilagalugu Danmarkimiinnersut apeqquaatillugit pissutsit assigiinngitsunik akineqassapput.

Ilaqutariit Danmarkimi najugaqartutut inunnik nalunaarsuisarfimmut nalunaarsorneqarlutik nuussimappata, aningaasatigut allatigullu ikiorsiinerneq Danmarkimi isumaginninnermut inatsisit tunngavigineqassapput. Ilaqutariit ikiorserneqassagunik kommunimi nuuffigisaminni Innuttaasunut Saaffiginnittarfimmut saaffiginnissapput.

Ilaqutariinnut qitornartik napparsimasoq ingiallorlugu qitornaasup katsorsarneqarnerani Danmarkimiikkallartunut Kalaallit Nunaanni inatsisit atorineqassapput. Taamatut pisoqassappat ilaqutariit suli Kalaallit Nunaanni najugaqartutut nalunaarsorsimassapput.

**2. Apeqqummi 1-mi allaaserineqartutut pisoqartillugu kalaallit imaluunniit dansit akisussaaffigaat ilaqutariit pisortatigoortumik ikiussallugit?**

Aallaqqaasiutitut oqaaseqaatit innersuussissutigineqarput taamatuttaaq apeqqummut 1-imut akissutit.

**3. Namminersorlutik Oqartussat qanoq iliortarpat ilaqutariit ataasiakkaat qitornamik perulunnera pissutigalugu Danmarkimut allatut ajornartumik nuukkallartariaqartartut paasitinniarlugit aamma siunnersorniarlugit?**

Peqqinnissaqarfik peqqissutsimut tunngassutilinnik katsorsaanissanut periarfissat katsorsartinnerullu ingerlanissaanut pingaarnertut siunnersuisarpoq.

DIN-anut atasumik immikkoortortaqaqfeqarpoq, SANAp isumaginnittoqarfia, isumaginninnermut siunnersortinik sulisulik soorluttaaqaq Kalaallit peqqissartut angerlarsimaffianni isumaginninnermut siunnersortinik sulisoqartoq. Isumaginninnermut siunnersortinut Peqqinnissaqarfimmi sulisunut atuuppoq, suliat assigiinngiaartunik imallit, assersuutigalugu nutsernerit pineqartillugit pingaarnertut taamaallaallu allakkatigit akuersissutit tunngavigalugit kommunimut angerlarsimaffigisamut sulianik sullissisartumut attaveqarnermik pilersitsissallutik.

**4. Naalackersuisut isumaqarpat maannakkut inatsisit atuuttut naapertuuttut imaluunniit allannguisoqarnissaa pilersaarutaava?**

Aallaqqaasiutitut oqaaseqaatit innersuutigalugit Kalaallit Nunaanni Danmarkimilu inatsisinik atuuttunik allannguinissamut sulissuteqarnissaaq Naalackersuisut pissutissaqarsorinngilaat.

Matumunnga atatillugu Naalackersuisut erseqqissaatigissavaat Isumaginninnermut, Ilaqutariinnermut, Naligiissitaanermut Inatsisinillu atuutsisinermut Naalackersuisoqarfik pisortanit ikiorsiisarnermi malittarisassanik allannguinissamut pisariaqartitsineq qulaajarniarlugu misissuinerit aallartissimammattigit.

**5. Tassunga tunngassuteqartunik allanik soqutiginaateqarsinnaasunik Naalackersuisut paasissutissiinnaappat?**

Ilaqutariit ataasiakkaat, nappaammik peruluummik katsorsartariaqartumik nappaateqartumik, peqqinnissaqarfimiillu Danmarkimi katsorsarneqarnissaanik innersuunneqarsimasumik, ilaatigullu sivisuumik katsorsartariaqartumik qitornallit unammilligassaat Naalackersuisut eqqumaffigivaat.

Danmarkimi Kalaallit illuini kiisalu kommunini ilaqutariit nuuffigisaanni isumaginninnermut ingerlatsivinni siunnersorneqarnissamik periarfissaqarpoq.

Med venlig hilsen  
Inussiarnersumik inuulluaqqusillunga

  
Sara Olsvig